

四庫全書

集部

欽定四庫全書

集部

御選歷代詩餘卷七

詳校官中書_臣潘有為

侍讀_臣孫球覆勘

總校官進士_臣朱鈐

校對官編修_臣盧遂

謄錄監生_臣周桐

欽定四庫全書

御選歷代詩餘卷七目錄

四十
二字

浣溪沙

下

范成大

五首

陳三聘

四首

黃公度

張孝祥

二首

程垓

二首

朱熹

洪适

曹冠

吳儆

四首

管鑑

陸游

楊炎

劉鎮

鄭域

韓澆
二十首

汪莘

方岳

楊澤民

吳文英

陳允平
七首

周密
三首

張炎

二首

石孝友

四首

張桂

張槃

楊彥齡

陳德武

薛夢桂

毛珣

趙君舉

江開

何夢桂

二首

李彭老

無名氏

李清照

五首

李氏

朱淑真

二首

欽定四庫全書

蘇軾詩集
卷七目錄

珍娘

慕容崑卿妻

劉仲尹

三首

趙可

二首

王礪

李獻能

趙孟頫

詹正

顏奎

宋聚

邵亨貞

劉基

七首

楊基

五首

湯公讓

張紱

于儒穎

施紹莘

二首

夏復

錢繼登

錢繼章

馮鼎位

三首

王鳳嫻

沈宜修

葉小紉

葉小鸞

三首

周蘭秀

前調

又一體

南唐李煜

欽定四庫全書

御選歷代詩餘
卷七目錄

御選歷代詩餘卷七目錄

欽定四庫全書

御選歷代詩餘卷七

四十二字

司經局洗馬掌局事兼翰林院修撰加二級臣王奕清奉

旨校刊

浣溪沙

下

浣溪沙

燭下海堂二首

范成大

傾坐東風百媚生
萬紅無語笑逢迎
照妝醒睡蠟煙輕
綠煉橫斜春不夜
絳霞濃淡月微明
夢中重到錦官

城

前調

范成大

催下珠簾護綺叢花枝紅裏燭枝紅燭光花影夜蔥龍
錦地繡天香霧裏珠星壁月綵雲中人問別有幾春
風

前調

新安驛席
上留別

范成大

送盡殘春更出遊風前蹤跡似沙鷗淺斟低唱小淹留
月見西樓清夜醉雨添南浦綠波愁有人無計戀行

舟

前調

元夕後
三日

范成大

寶髻雙雙出綺叢
妝光梅影各春風
收燈時候却相逢
魚子牋中詞婉轉
龍香撥上語玲瓏
明朝車馬莫西東

前調

范成大

紅錦障泥杏葉韉
解鞍呼渡憶當年
馬驕不肯上航船
茅店竹籬開蔗市
絳裙青袂斲薑田
臨平風物故依

然

前調

陳三聘

酒力先從臉暈生
粉妝新麗笑相迎
曉寒高護彩雲輕
不語似愁春力淺
有情應恨燭花明
更于何處覓傾城

前調

陳三聘

翠幕遮籠錦一叢
樽前初見淺深紅
淡雲和月影葱籠
醉態只疑春睡裏
啼妝愁聽雨聲中
更燒銀燭醉東

風

前調

陳三聘

不怕春寒更出遊
蘭橈飛動却驚鷗
煙光佳處輒遲留
屏曲未曾歌醉夢
眉尖空只鎖閒愁
從教絲柳絆行舟

前調

陳三聘

點檢尊前花影叢
于中偏占牡丹風
等閒言語慣迎逢
扇影不搖珠的皪
釵梁斜亸玉玲瓏
夢魂長向楚江

東

前調

梅

黃公度

風送清香過短牆
煙籠晚色近修篁
夕陽樓外角聲長
欲去還留無限思
輕勻淡抹不成妝
一樽相對月生涼

前調

張孝祥

行盡瀟湘到洞庭
楚天闊處數峰青
旗梢不動晚風平
紅蓼一灣紋纈亂
白魚雙尾玉刀明
夜涼船影浸疎

星

前調

瑞香

張孝祥

臘後春前別一般
梅花枯淡水仙寒
翠雲裘著紫霞冠
妙品只令推第一
寶香原不自人間
為君更酌小龍團

前調

程垓

薄日移陰午暑空
一杯何事便潮紅
扇紈揮盡却疎慵
早睡情懷冰枕外
夜涼消息雨荷中
不須留燭眩房

櫛

前調

程垓

翠葆扶疎傍藥闌。亂飄綠沼滿書單。清明時節又看看。
小雨勒成春尾恨。東風偏作夜來寒。琴心老盡不須彈。

前調

醪醕

朱熹

壓架年來雪作堆。珍叢也是近移栽。肯令容易放春回。
却恐陰晴無定數。從教紅白一時開。多情蜂蝶早飛。

來

前調

錢范
子芬

洪适

整頓春衫欲跨鞍一杯相屬少開顏
愁蛾不似舊時彎
未見兩星添柳宿忍教三疊唱陽關
相思空望會稽山

前調

柳

曹冠

翠帶千條蘸碧流多情不解繫行舟
章臺惜別恨悠悠
濕雨傷春眉黛斂倚風無力舞腰柔
絲絲煙縷織離

愁

前調

題星洲寺

吳儆

十里青山沂碧流夕陽沙晚片帆秋
重重煙樹出層樓
人去人來芳草渡
鷗飛鷗沒白蘋洲
碧梧翠竹記曾遊

前調

吳儆

欽浦錢塘一水通
閒雲如幙碧重重
吳山應在碧雲東
無力海棠風淡蕩
困眠宮柳日葱蘢
眼前春色為誰

濃

前調

題餘干
傳舍

吳儆

畫楯朱闌繞碧山平湖徙倚水雲寬
人家楊柳帶汀灣目力已隨飛鳥盡
機心還逐白鷗閒蕭蕭微雨晚來寒

前調

和鎮遠
樓韻

吳儆

斜照波間濕嫩紅朱闌翠袖倚輕風
平山山色有無中俛首微官真自縛
高飛遠舉羨冥鴻何時一艇大江

東

前調

管鑑

十日狂風特地晴
天工著意送行人
負他桃李十分春
杜宇已催歸思亂
啼鶯休惹客愁新
晚風溪路淨無塵

前調

陸游

謾向寒爐醉玉瓶
喚君同賞小窗明
夕陽吹角最關情
忙日苦多閒日少
新愁常續舊愁生
客中無伴怕君

行

前調

楊炎

楊柳籠煙裊嫩黃
桃花蘸水染紅香
薄羅衫子日初長
飲盡東風三百盞
醉來愁斷幾回腸
教人獨自遣風光

前調

丁亥錢元宵

劉鎮

簾幕收燈斷續紅
歌臺人散綵雲空
夜寒歸路噤魚龍
宿醉未消花市月
芳心已逐柳塘風
丁寧鶯燕莫匆匆

勿

前調

鄭域

酒薄愁濃睡不成夜長敲枕數殘更嫩寒時節過燒燈
已自孤鸞羞對鏡未能雙鳳怕聞笙莫教吹作別離
聲

前調

夜飲中
明小軒

韓澮

一曲青山映小池林疎人靜月明時相逢杯酒也相宜
醉眼不知春事少歡情猶得漏聲遲神仙何處夢魂

飛

前調

韓 澆

寶鴨香銷酒未醒
錦衾春暖夢初驚
鬢雲撩亂玉釵橫
半怯夜寒寒繡幌
尚餘嬌困別銀燈
粉痕微褪臉霞生

前調

夜飲
聽歌

韓 澆

小雨收晴作社寒
月橋花院篆香殘
杏腮桃臉黛眉彎
歌拂燕梁牽客恨
醉臨鸞鏡怕人看
良宵春夢遠屏

山

前調

題美人
書卷

韓 澮

一曲霓裳舞未終
玉釵垂額髻雲鬆
夢回金殿月華東
燕子鶯兒情脈脈
柳枝桃葉恨匆匆
羅襟空惹御香濃

前調

韓 澮

芍藥酴醾滿院春
門前楊柳媚晴曛
重簾雙燕語沉沉
花映綠嬌初日嬾
葉棲紅小晚煙昏
輕雷不覺送微

陰

前調

韓 流

一曲西風醉木犀
天香吹夢入瑤池
釵橫猶記未開枝
花重嬾舒紅笑臉
葉稀輕拂翠顰眉
酒醒殘月鴈聲遲

前調

韓 流

山氣吹雲寶月涼
園林承露菊花黃
吾生只合醉為鄉
悵望佳人因共賦
分明佳節是重陽
酒邊猶發少年狂

狂

前調

韓澮

莫問星星鬢染霜一杯同看月昏黃
放歌漁父濯滄浪却憶手栽雙柳
句真成雲漢抉天章蘇仙何在立蒼
茫

前調

過盧申之

韓澮

梅葉陰陰占晚春博山香燼玉嶙峋
茶甌酒椀試濡脣閒裏常愁無伴侶
老來不是有情人牡丹天氣惜芳

辰

前調

韓 澆

買得船兒去下湖這些天氣近來無清和風裏綠陰初
酒不為渠閒放蕩詩應嫌我太麤疎酒徒詩社復何
如

前調

韓 澆

錦瑟瑤琴續斷絃壁堂初過牡丹天玉鉤斜壓小珠簾
睡鴨爐溫吟散後雙鴛屏掩酒醒前一番春事怨啼

鵲

前調

韓 澮

春入疎絃調外聲
雪雲初霽帶湖清
屏溫香軟綺窗深
山倚虛寒情澹澹
水流輕淺韻泠泠
斷魂醒處夢難憑

前調

十六夜

韓 澮

荆楚誰言鏡聽詞
燭花影動畫簷低
燒燈天氣醉為期
雨濕杏腮疑簌簌
風迷柳眼半飢飢
小山西路板橋

西

前調

韓 澍

分付心情作上元不知投老在林泉誰將邨酒勸觥船
月影靜搖風柳外霜華寒浸雪梅邊醉敲烏帽忽醒
然

前調

韓 澍

宋玉悲秋合反騷陶潛把菊任持醪山遙遙外水蕭蕭
夢不到時詩自在興難忘處恨全消香沉沉裏蕊飄

飄

前調

沙溪
小飲

韓 澆

一抹青山拍岸溪
麥雲將過笋初齊
不知何處水流西
小閣路頭吾欲醉
短篷船底客同攜
酒邊華髮更題詩

前調

韓 澆

水遶孤邨客路賒
一樓風雨角巾斜
舉觴無復問煎茶
夜靜曲聲初噴竹
酒深燭影細吹花
明朝飛鷺起圓

沙

前調

寄李叔謙

韓 澆

綵筆新題字字香
鴈來時候燕空梁
芙蓉無處著秋光
人遠山長言外意
曲傳書恨醉時妝
倩誰閒寄水雲鄉

前調

茉莉

韓 澆

滴滴瓊英發翠綃
江梅標韻木香嬌
乍涼時候鴈聲遙
欲綰鬢絲妝未了
半回身分曲初招
霓裳依約夢魂

飄

前調

小集
澗亭

韓 澆

雨閣雲流小院秋半醺涼意不關愁一番相見一番休
淡佇乍持盃未淺嬾歌纔罷笑初收主賓無處著綢繆

前調

九日

汪 莘

青女催人兩鬢霜自簞白酒作重陽方壺老子莫淒涼
天地兩三蜉蝣夢古今多少菊花香只將破帽送秋

光

前調

趙閣學餉蝓
蚌酒春螺

方岳

半殼含潮帶麝香
雙螯嚼雪迸臍黃
蘆花洲渚夜來霜
短棹秋江清到底
長頭春甕醉為鄉
風流不枉與詩嘗

前調

水仙

楊澤民

仙子何年下太空
凌波微步笑芙蓉
水風殘月助惺忪
攀弟梅兄都在眼
銀臺金琖正當胸
為伊一醉酒顏

紅

前調

吳文英

曲角深簾隱洞房正嫌玉骨易愁黃
好花偏占一秋香
夜氣清時初傍枕
曉光分處未開牕
可憐人似月中霜

前調

陳允平

自別蕭郎錦帳寒
鳳樓日日望平安
杏花枝上露纔乾
眉皺但嫌鈿翠墮
臂銷惟覺釧金寬
薄情楊柳殢征

鞍

前調

陳允平

一枕華胥夢不成
碧簫香潤玉醪傾
日長花影過池亭
雪藕臂寒鸚鵡較怯
採菱歌發鷺頻驚
白蘋洲上雨初晴

前調

陳允平

鬬鴨闌干燕子飛
一堤春水漾晴暉
女郎何處踏青歸
生色鞦兒銷鳳穩
碧羅衫子唾花微
後期應待牡丹

時

前調

陳允平

六幅蒲帆曉渡平一江星斗漸西傾離家纔是兩三程
酒外野花如喚客樹頭春鳥自呼名五雲深處錦官
城

前調

陳允平

柳底征鞍花底車兩行香淚濕紅襦別來鶯燕已春餘
梳洗樓臺愁獨倚笙歌庭院醉誰扶捲簾閒看玉蟾

蝥

前調

陳允平

十二珠簾繡帶垂
柳煙迷暗楚江涯
自攜玉笛凭丹梯
寫恨鸞箋凝粉淚
踏青鴛鴦
金泥落紅深處乳鸞啼

前調

陳允平

睡起瞢騰小篆香
素紉輕度玉肌涼
竹深荷淨少炎光
雨過亂蟬嘶古柳
日斜雙鴛立
閒塘更將心事自商

量

前調

川擬梅

周密

蠶已三眠柳二眠雙竿初起畫秋千鶯櫺風響十三絃
魚素不傳新信息鸞膠難續好姻緣薄情明月幾番

圓

前調

周密

不下珠簾怕燕嗔旋移芳檻引流鶯春光却又早中分
杏火無煙燃綠暗梨雲有雪冷清明冶遊天氣冶遊

心

前調

周密

絲雨籠煙織曉晴睡餘春酒未全醒翠鈿輕脫隱香痕
生怕柳絲縈舞蝶戲拋梅彈打流鶯最難消遣是殘
春

前調

墨水
仙

張炎

昨夜藍田採玉游向陽瑤草帶花收如今風雨不須愁
零露依稀傾鑿落碎瓊重疊綴搔頭白雲黃鶴思悠

悠

前調

蘭

張炎

半面妝凝鏡裏春同心帶舞掌中身因沾弱水褪精神
冷豔喜尋梅共笑枯香羞與佩同紉湘皋猶有未歸
人

前調

石孝友

柳岸梅溪春又生風枝斜裊雪枝橫空牽歸興惹離情
灰盡寸心猶自熱淚承雙睫不能晴夢雲樓隔豫章

城

前調

石孝友

迎客西來送客行
堆堆歷歷短長亭
殢人殘酒不能醒
煙染暮山浮紫翠
霜凋秋葉滿丹青
憑誰圖寫入銀屏

前調

石孝友

幾曲屏山數幅波
鴈聲斜帶夕陽過
卸帆聊醉菊花坡
旅枕夢魂歸路遠
秋江風緊夜寒多
薄情還解憶人

欽定四庫全書

御選歷代詩餘
卷七

十七

麼

前調

石孝友

宿醉離愁慢髻鬟綠箋紅豆憶前歡
錦江春水寄書難
紅袖時籠金鴨暖小樓吹徹玉笙寒
為誰和淚倚闌干

前調

張桂

雨壓楊花路半乾蜂遺花粉在闌干
牡丹開盡正春寒
嬾品么絃金鴈並瘦驚雙釧玉魚寬
新愁不放翠眉

閨

前調

張槃

習習輕風破海棠
秋千移影上迴廊
晝長蝴蝶為誰忙
度柳早鶯分暖綠
過花小燕帶春香
滿庭芳草又斜

陽

前調

武進
廳壁

楊彥齡

倦客東歸得自由
西風江上泛扁舟
夜寒霜月素光流
想得故人千里外
醉吟應上謝家樓
不多天氣近中

欽定四庫全書

御選歷代詩餘
卷七

大

秋

前調

陳德武

月落桐梢杜宇啼雪埋芳樹鷓鴣飛夜闌分作送春詩
山上安山經幾歲口中添口又何時相思一曲訴伊
誰

前調

薛夢桂

柳映疎簾花映門春光一半幾銷魂新詩未了枕先溫
燕子說來千萬恨海棠開到二三分小牕銀燭又黃

昏

前調

桂

毛珣

綠玉枝頭一粟黃
碧紗帳裏夢魂香
曉風和月步新涼
吟倚畫闌懷李賀
笑持玉斧問吳剛
素娥不嫁為誰妝

前調

趙君舉

疎陰搖搖趁岸移
驚鷗點點過帆飛
船分水打嫩沙回
斷夢不知人去處
卷簾還有燕來時
日斜風緊轉灣

西

前調

江開

手撚花枝憶小蘋
綠窗空鎖舊時春
滿樓飛絮一箏塵
素約未傳雙燕語
新愁還入賣花聲
十分春事倩行雲

前調

寄劉總管

何夢桂

細柳連營綠蔭重
暖風旗影颺蛇龍
晝閒吟思入千峰
紫綬金牌人綠鬢
繡韉絲轡馬青驄
會將三箭取侯

封

前調

用前韻并
簡二千戶

何夢桂

金紫山前山萬重山高雲密下蒼龍
春來好雨徧三峰
芳草郊原眠繭犢垂楊營壘繫花驄
趨歸行有紫泥封

前調

李彭老

玉雪庭心夜色空移花小檻鬪春紅
輕衫短帽醉歌重
彩扇舊題煙雨外玉簫新譜燕鶯中
闌干到處是春

風

前調

瓜陂
題壁

無名氏

剪碎香羅裛淚痕。鷓鴣聲斷不堪聞。馬嘶人去近黃昏。
整整斜斜楊柳陌，疎疎密密杏花邨。一番風月更銷魂。

前調

宋媛

李清照

淡蕩春光寒食天。玉爐沉水裊殘煙。夢回山枕隱花鈿。
海燕未來人鬪草，江梅已過柳生絲。黃昏疎雨濕秋

千

前調

李清照

繡幕芙蓉一笑開
斜偎寶鴨襯香腮
眼波才動被人猜
一面風情深有韻
半牋嬌恨寄幽懷
月移花影約重來

前調

李清照

樓上晴天碧四垂
樓前芳草接天涯
傷心莫上最高梯
新筍已成堂下竹
落花都入燕巢泥
忍聽林表杜鵑啼

啼

前調

李清照

髻子傷春嬾更梳
晚風庭院落梅初
淡雲來往月踈疎
玉鴨熏爐閒瑞腦
朱櫻斗帳掩流蘇
通犀還解辟寒無

前調

李清照

小院閒窗春色深
重簾未捲影沉沉
倚樓無語理瑤琴
遠岫出雲催薄暮
細風吹雨弄輕陰
梨花欲謝恐難

禁

前調

宋媛
李氏

無力薔薇帶雨低多情蝴蝶趁花飛
流水飄香乳燕啼
南浦魂銷春不管東陽衣減鏡先知
小樓今夜月依依

前調

宋媛
朱淑真

露井天桃吐絳英春衣初試薄羅輕
風和煙煖燕巢成
滿院深簾閒不捲曲房朱戶悶長
扃惱人光景又清

明

前調

朱淑真

卸下金釵一樣嬌
背燈初解繡裙腰
衾寒枕冷夜香消
深院不關春寂寂
落花和雨夜迢迢
恨情和夢更無聊

前調

宋媛
珍娘

溪霧溪煙溪景新
溶溶春水淨無塵
碧琉璃底浸春雲
風颺游絲垂蝶翅
雨飄飛絮濕鶯脣
桃花片片送殘

春

前調

慕容崱卿妻

滿目江山憶舊游
汀花汀草弄春柔
長亭樣住木蘭舟
好夢易隨流水去
芳心猶逐曉雲愁
行人莫上望京樓

前調

劉仲尹

繡館人人倦踏青
粉垣深處簸錢聲
賣花門巷綠陰輕
簾幙風柔飛燕燕
池塘花暖語鶯鶯
有誰知道一春

情

前調

劉仲尹

貼體宮羅試袷衣。冰藍嬌淺染東池。春風一把瘦腰支。
戲鏤寶鈿呈翡翠。笑拈金剪下酴醾。最宜京兆畫新
眉。

前調

劉仲尹

萬疊春山一寸心。章臺西去柳陰陰。藍橋特為好花尋。
別後魚封煙漲闊。夢迴鸞翼海雲深。情知頓著有如

令

前調

趙可

火冷熏爐香漸消更闌撥火更重燒愁心心字兩俱焦
半世清狂無限事一牕風月可憐宵殘燈花落夢無
聊

前調

趙可

擡轉爐熏自換香錦衾收拾却遮藏二年塵暗小鴛鴦
落木蕭蕭風似雨疎櫺皎皎月如霜此時此夜最淒

涼

前調

夢中作

王 礪

林樾人家急暮砧夕陽人影入江深倚闌疎快北風襟
雨自青山明處黑雲從白鳥去邊陰幾多秋思亂鄉
心

前調

李獻能

垂柳陰陰水拍堤欲窮遠目望還迷平蕪盡處暮天低
萬里中原猶北顧十年長路却西歸倚樓懷抱有誰

知

前調

贈歌者

趙孟頫

滿捧金卮低唱詞樽前再拜索新詩老夫慚愧鬢成絲
羅袖染將新竹翠粉香須上小梅枝相逢不似少年
時

前調

贈粉兒

詹正

淡淡青山兩點春嬌羞一點口兒櫻一梭兒玉一綢雲
白藕香中見西子玉梅花下遇文君不啻真箇也銷

魂

前調

顏奎

夢泊游絲晝影移
水沉香宛紫煙微
玉笙纔過畫樓西
天上人間花事近
鏡中翠壓兩山低
又成春過感鶯啼

前調

崑山州城西小寺

宋聚

落日吳江駐畫橈
招提佳處暫逍遙
海風吹面酒全消
曲沼芙蓉秋的小
山叢桂晚蕭蕭
幾時容我夜吹

簫

前調

邵亨貞

西子湖頭三月天半篙新漲柳如煙十年不上斷橋船
百媚燕姬紅錦瑟五花宛馬紫絲鞭年年春色暗相
牽

前調

劉基

半畝荒園自看鋤雨中時復擷新蔬不須彈鋏嘆無魚
早息機心勞役少嬾聞世事往來疎清風明月總羸

餘

前調

劉基

絳幘雞人紫綺裘彤墀欲報五更籌不勝嬌冶立清秋
日影却穿雲氣入虹光猶帶露華流三千紅粉總凝
眸

前調

劉基

細草垂楊邨巷幽白沙素石引溪流青苔磯上有扁舟
門外好山開畫屋頭新月學簾鉤窗風一榻似清

秋

前調

劉基

花壓闌干春晝長
碧樓紅樹倚斜陽
入門惟覺一庭香
絕壁過雲開錦繡
冰絲彈月夢清涼
鸞歌鳳舞斷人腸

前調

劉基

語燕鳴鳩白晝長
黃蜂紫蝶草花香
滄江依舊遠斜陽
泛水浮萍隨處滿
舞風輕絮霎時狂
清和院宇麥秋涼

涼

前調

劉基

雲壓斜曛照樹黃
風生水榭綠陰涼
渴蛙得雨鬧池塘
紅燄射人榴火炫
青絲匝地柳條長
捲簾明月滿迴廊

前調

劉基

可怪西園木槿花
強將孤艷鬪輕霞
不知門外夕陽斜
應有斷魂隨蛺蝶
豈無幽恨寄寒鴉
那堪橫被綠苔

遮

前調

初夏

楊基

幾卷斜封出舊窠
藕絲柔梗上新荷
衣裳輕薄試單羅
煙淡淡中青草
合雨絲絲裏綠陰多
園林佳處是清和

前調

上巳

楊基

軟翠冠兒簇海棠
研羅衫子繡丁香
閒來水上踏青陽
風暖有人能作伴
日長無事可思量
水流花落任匆匆

忙

前調

楊基

小院迴廊曲更深一重楊柳一重陰夜長人靜漏沉沉
雪白梨花千瓣玉雨黃梅子萬丸金清和天氣夏初
臨

前調

花朝

楊基

鸞股先尋鬪草釵鳳頭新繡踏青鞵衣裳宮樣不須裁
軟玉鏤成鸚鵡架泥金鑄就牡丹牌明朝相約看花

來

前調

寒食

楊基

暖雨香雲百五天
玉纖銀甲十三絃
笑移羅幙上紅船
照水再簪珠絡索
背人重貼翠團圓
安排花裏蹴秋千

前調

湯公讓

燕壘雛空日正長
一川殘雨映斜陽
鷓鴣晒翅滿魚梁
榴葉擁花當北戶
竹根抽笋出東牆
小庭孤坐嬾衣

裳

前調

張綖

風攪花陰舞扇羅疎簾清簟闌湘波隔牆誰唱竹枝歌
寶鼎裊雲秋意嫩玉簫吹月夜涼多今年新鴈信如
何

前調

于儒穎

一片心情眼底柔倦容疎態越風流未經惆悵不知愁
鴛譜怪來鍼線減工夫強半為梳頭日西初見下妝

樓

前調

施紹莘

杜若芳洲淡淡煙一番花信又經年
燕悲春盡亦呢喃
燭影搖紅栽密信
綺琴翻曲記奇緣
惱人心性脫綿天

前調

施紹莘

手揭簾衣漾曉風
小釭餘燦畫屏中
有人羞倩拾鞦韆
弓
眉學蛾妝黃嫩點
鬢偷鴉潤綠新
籠耐人瞧覷面微

紅

前調

夏復

柳色深深聽曉鶯
玉闌愁倚夢分明
閒花斜落小釵橫
蝴蝶前生原夜合
楊花身後作浮萍
東風輕薄誤多情

前調

錢繼登

蟬避濃炎靜未譁
東隣伊軋縹絲車
豆棚瓜架野人家
翠英嫩堪浮茗氣
黃雞肥欲待薑芽
閒搔短髮日西

斜

前調

錢繼章

春盡園林褪
闌紅陰陰靜
綠意從容
鬚眉俱碧
住山翁
花捲半堦通
履舄柳開一面出
簾櫳
管人閒事是東風

前調

客歸見
柳花作

馮鼎位

渺渺煙雲古道斜
長亭遙望短亭賒
東風何事苦相遮
記得江梅纔入夢
却看楊柳近飛花
不知春色在誰

家

前調

馮鼎位

輕暖輕寒日易斜
半山半水路方賒
春深無影倩誰遮
客路蕭蕭無好夢
故園日日想開花
去年雙燕已還家

前調

馮鼎位

綠滿池塘春漸輕
惱人天氣過清明
腰肢瘦損轉娉婷
喚雨喚晴鳩不歇
無拘無束夢難憑
閒愁畢竟幾時

停

前調

郊行

明媛

王鳳嫺

曲徑新篁野草香
隨風閃閃蝶衣忙
柳絲飛墮點衣裳
人在景中憐日永
燕翻波面舞春長
小橋古渡半斜陽

前調

明媛

沈宜修

淡薄輕陰拾翠天
細腰柔似柳飛絲
吹簫閒向畫屏前
詩句半緣芳草斷
烏啼多為杏花妍
夜寒紅露濕秋

千

前調

新月

明媛

葉小紉

纖影黃昏到小樓
弱雲扶住柳梢頭
捲簾依約見簾鉤
妝鏡試開微露匣
蛾眉學畫半含愁
清光先自映波流

前調

明媛

葉小鸞

幾日東風倚畫樓
碧天青靄半空浮
韶光多半杏梢頭
垂柳有情憐夕照
飛花無計卻春愁
但憑天氣困人

休

前調

葉小鸞

竹徑煙迷薜荔牆
好風搖曳弄垂楊
無情啼鳥向人忙
一曲瑤琴消午夢
半爐沉水爇春香
倚闌無語又斜陽

前調

初夏

葉小鸞

香到酴醾送晚涼
荇風輕約薄羅裳
曲欄凭徧思偏長
自是幽情慵捲幌
不關春色惱人腸
誤他雙燕未歸

梁

前調

明媛
周蘭秀

雨過梧桐萬綠平模糊山色逐雲行
飄飄鶯羽傍風迎
茉莉小庭香落袂夢餘蕉影倚牕
橫隔樓何處度簫聲


前調

又一
體

南唐李煜

紅日已高三丈透金爐次第添香獸
紅錦地衣隨步綰
佳人舞點金釵溜酒惡時拈花惹
鼻別殿遙聞簫鼓

奏



欽定四庫全書

御選歷代詩餘
卷七

御選歷代詩餘卷七